



**Clavis Aurea Thesauri Partheno-Carmelitici, Sive  
Dissertatio Historico-Theologica, Referans atque  
Exponens Antiquitatem & originem, confirmationem ac  
propagationem, beneficia ac privilegia, gratias & ...**

**Paulus <Ab Omnibus Sanctis>**

**Viennæ Austriae, 1669**

Cap. I. De temporalibus quibusdam beneficijs supra naturam sæpiùs  
Confratribus collatis.

---

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)



# PARS SEXTA,

*De alijs nonnullis sacri Scapularis beneficijs.*

## CAPUT I.

*De temporalibus quibusdam beneficijs supra natu-  
ram sepius Confratribus collatis.*

319.

Innumera  
medio Ma-  
riano Sca-  
pulari mi-  
racula fi-  
unt.



L I A complura, eximiaque beneficia Partheno  
Carmelitici SCAPULARIS interventu, supra  
naturæ cursum, divinitus sepius Confratribus  
conferuntur: non quidem omnibus omnino  
indiscriminatim, sed quibusdam duntaxat pecu-  
liariter dilectis. Quotidiana namque constat  
experientia (ut nunc nihil de continua jam inde  
a temporibus SIMONIS nostri traditione di-

cam) propè innumera, Mariano SCAPULARI, opeq; DEIPARÆ  
mediante, patrata fuisse miracula, ut ideo jure merito ab Augustissima  
Cælorum Regina nuncupetur, SIGNUM SALUTIS, SALUS IN PE-  
RICULIS, FOEDUS PACIS &c. Et idem de eo, pro-  
portione quadam, affirmant nonnulli, quod de se Christus ad Jo-  
annem, Matth. Cap. 11. dixit, *Cæci vident, claudi ambulant, leprosi muni-  
dantur, surdi audiunt, mortui resurgunt.* Et illa Regij Psalms. 134.  
verba, *Fecit magnalia in Ægypto, mirabilia in terra Cham, terribilia in ma-  
ri rubro:* exponendo ad nostrum propositum, sic inquit. *Admira-  
bilia, nec alias facile audita, hoc sacre vestis instrumento DEIPARA Virgo per-  
travit opera, supra terram, in terra, & infra terram: in elementis, in aë-  
nibus, & ipsis inferis.*

320.

ATQVE ut à terrenis istis ordiamur; quæ non vidimus per-

DEIPARAM hujusce vestis suæ beneficio prodigia edita in terris?  
Nunc Cafforix propè Neapolim puerum, *Dominicum* nomine, à ma-  
levolo homine pessimè saucium, puteo immersum, lapidibusque ob-  
rutum, ac veluti sepultum, octo ipsos dies, sine cibo ac potu, ullo-  
que humano solatio incolumem servat, indeq; eximit. Alias fæmi-  
nam *Nuntiam Brancacciam* nuucupatam, à germano fratre ad mortem  
usque fustigatam, brumali tempore vestibus omnibus nudatam, & in  
in puteum nonaginta sex ped. profundum præcipitatam, septiduo  
absq; ulla esca conservat, vitam prorogat, ac luci restituit.

Nunc denuò haud procul à Neapoli, puerum alium *Ioannem* ap-  
pellatum, ab impio quodam in altissimum quoque puteum demersum,  
saxisq; coopertum, post plures dies divinitus luci ac libertati reddit.  
Alias etiam fæminam Neapolitanam, à duobus germanis fratribus suis,  
novem planè lethalibus vulneribus perfossam, & in aridum profun-  
dissimumq; puteum, velut jam vita functam, abjectam, magnis pluri-  
misque lapidibus, ad immane facinus celandum, coopertam, ab im-  
missis saxis visibiliter protegit, citraq; ullum humanum auxilium,  
admirabili planè modo novem dierum spatio vivam conservat.

Nunc *Thomam Giojam* Recani in territorio Capuano, à suis hosti-  
bus plagis plurimis lethalibus saucium, ac pro mortuo in siccam  
25. ped. profundam cisternam præcipitatum, terraq; obrutum, de-  
cem ipsis diebus, sine ullo victu, divinitus à morte liberat, sospitatiq;  
restituit.

Nunc Lotharingum quendam Colonix Agrippinæ, profundam  
fossam pro jaciendis cujusdam Cœnobij fundamentis effodientem, à  
relabente magno impetu effossa terra, opprimendum alias, tumulan-  
dumq; visibili specie conspicua Virgo illæsum servat ac protegit.

Et quod multò ampliùs mirandum: Neapolitanum quendam  
agricolam altissimum puteum fodientem, terraq; adjacente obrutum  
ac sepultum, visibiliter apparens, pallio suo protegens, triduo hac  
ratione prodigiosè incolumem servat, atq; à præsentissimo interitu  
vindicat.

Deniq; , ut alia complura hujus generis prodigia silentio præ-  
teream, militem quendam Italum in regno Bohemix, haud procul à  
Praga, fustibus, stipitibus, sudibusque contusum, ac pro defuncto se-  
pulturæ traditum, in ipso tumulo divinitus tridui quoq; spatio vivum  
servat, atq; demum mirabiliter luci restituit. In.

Admiran-  
da prodi-  
gia, quæ iu-  
tra & supra  
terram  
contigere.

321.

Nonnulla  
prodigia,  
quæ intra  
aquam pa-  
trata re-  
cententur.

IN AQUA autem, nunc navigantes ab irati, ferventisque Ma-  
ris minis ac procellis divinitus absolvit: alias, naves ipsas cum ve-  
storibus, ab intumescantibus supra omnem modum fluctibus, jam jam  
absorbendos prodigiosè eripit ac servat. Nunc aquas fluminis ve-  
veum suum longè lateque excedentes, & plurima gravissimaq; damna  
inferentes, & majora, pluraq; minitantes solo sacri Scapularis con-  
actu, intra pristinos limites cogit ac reducit: alias nudo similiter  
ejusdem actu, procellosos infestissimi Maris fluctus prodigiosè  
que derepente sedat ac serenat.

Nunc mulieres, quæ nescio quo furore percitæ, se in Mare  
gerunt præcipites, in ipso aquarum summo æquore sustinet, nec sor-  
bentur: alias multoties diversis temporibus, ac locis in mare, flu-  
vios, puteos, aut alias in aquas, aut ab alijs præcipitatos, ut  
ex casu inopino atq; adverso lapsos, simili miraculo à submergione  
dicat, servatque.

Nunc quosdam in, & sub ipsis aquis per horæ quadrantem, ali-  
as per horam dimidiam, quosdam per horam integram, alios per  
sesqui horam, atque alios per plures horas, & quod summè miran-  
dum nonnullos, per tres dies integerrimos, noctesq; stupendo pro-  
digio, vivos conservat atque incolumes educit. His nihilo infere-  
us id, quod Philocalus Caputus, Neapolitanus, refert, dum pueros  
quarum molas vertentium vorticibus abreptos, ac demum subme-  
rosos vitæ reddit. Unum quoque in his prodigiosis eventibus impo-  
sè animadvertendum occurrit, quod scilicet parthenium SCAPU-  
LARE medijs in aquis, sæpè numero adeo ab omni humore immo-  
manserit, atque siccum, ac si aquam ne contigisset quidè, cum raris  
indusium, & cætera vestimenta omnia prorsus immaduissent.

Lib. cui ti-  
tulus, *Mons*  
*Carmeli*,  
excus. ve-  
netijs an.  
1626. di-  
scurs. 1.

322.

Prodigia  
in aère.

JAM in aère quæ non patravit? Sæpius miseros mortales, de  
elatis turrium, fabricarū, ædificiorum, præcipitiorum, arborumque  
fastigijs infeliciter lapsos, SCAPULARIS beneficio, suo veluti pro-  
mio SS. Virgo indemnes excipit. Eodem pluribus jam mortis  
per furcam ac laqueum damnatis, propitiùs succurrit, & horū  
istorum laqueo divinitus dirupto, vitales, etiam post tales cruciatum  
servat spiritus.

323.

PORRÒ de igne quid dicemus? Non minora sanè, nec im-  
quentiora Divinæ manus opera per parthenium SCAPULARIS  
ignis

ignibus sunt deprehensa. Quam innumeri ejusdem Marianæ vestis atque intercessionis beneficio catapultarum, sclopetorum, bombardarum, aliorumque ejusmodi bellicorum tormentorum vim ac globos illi exceperunt. Quot non hoc medio divinitus pyrobolos, sagittas, fulmina, flammam, exustiones, aliaque id genus mala feliciter evaserunt? Quot non latè grassantia, & omnia depascentia incendia, mirifica hæc vestis velut inundans, vehementissimusque imber, aut nimbus momento extinxit? Fidem mihi adstruet, ut prope innumera, quotidianaque, ut ait Raynaudus, hujus generis exempla sileam, vel una urbs Salernum: cujus quamplurima ædificia, cum tres omnino dies arfissent, nec igni restinguendo via, aut modus suppeteret, sacro SCAPULARI duntaxat in populabundas flammam à pia femina injecto, ipsæ quidem illicò sopitæ sunt, illud autem factum tectum, superata vi immensa hujus elementi, inter ipsos cineres repertum est.

Mirificissimum est, quod modo laudatus Theophilus Raynaudus recenset de quadam pia muliere, quæ Mariano instructa SCAPULARI, cum intra flammam domum depascentes hæfisset per horam dimidiam, solo operta indusio, exempta inde est, ne capillo quidem violato, ac indusio, cui Scapulare adnexum erat, prorsus intacto.

Quis paucis complectatur verbis admiranda prodigia circa fera animalia patrata? Quidam huius sacerrimæ vestis virtute inter fævilissimas rugientium Leonum fauces, alij inter crudelissimas sævientium Ursorum ungues: quidam inter furentium Aprorum acutissimas dentes, alij inter Taurorum ferocium cornua, miraculosè planè incolumes servati sunt. Quidam indomitorum Equorum efferatas calces, alij rabidorum Canum venenatos morsus: quidam Anguium & Viperrarum, alij Aspidum, & Basiliscorum, aliorumq; id generis virulentorum animalium lethifera, præsentissimaq; venena divinitus, hoc sacri Habitum clypeo protecti, indemnes evaserunt.

Quam innumeri hac Parthenia veste muniti, ab impijs hominibus globis, pilis, glandibus, lanceis, hastis, bipennibus, frammeis, pugionibus, ensibus, machæris, acinacibus, ficis, sagittis, telis, jaculis, sudibus, fustibus, lapidibus, saxis, alijsq; ejusmodi violentæ mortis instrumentis impetiti, & invasi, ejus beneficio, aut ab omni prorsus, etiam levissima, plaga, vulnere seu læsione mansere

H h h

immu-

Prodigia  
stupenda  
circa ele-  
mentum  
ignis.

Lib. cit. 1.  
p. cap 6.  
Philoc. Ca-  
putus loc.  
cit.

324.

Prodigia  
complura  
circa fera  
animalia.

325.

Innumera  
omnis ge-  
neris pro-  
digia.  
Per multi  
ut servaren

tur à morte aeterna servati sunt ad tempus à morte temporali &c.

326.

Mortuis vitam, cæcis visum, surdis auditum, mutis loquelam, claudis gressum &c. restituit. Omnis generis morbos sanat.

327.

Steriles ac parturientes divinitus adjuvat.

328.

Malignos Spiritus expellit, & eorum infestationes reprimit.

Magorum ac Sagarum veneficijs obstat & impedit.

immunes, aut gravissimè etiam, ac lethaliter saucij, confestim divinitus sani atq; sospites effecti sunt! aut tamdiu saltem à præsentissima morte, insigni miraculo, in vita servati, donec expiata per sacram exomologesim conscientia, alijsq; Sacramentis, pro felici decessu necessarijs, piè receptis, incontaminati ad DEUM migrant.

Nec defuit Marianæ vestis, & opis vis & energia cæcis, surdis, mutis, claudis, paralyticis, amentibus &c. imò nec defunctis; his enim non semel vitam, illis visum, auditum, loquelam, gressum, sollicitudinem mirabiliter restituit.

Qui in morbis citum, ac præsens auxilium à sacri Scapularis generatione senserunt, occurrunt tam multi, ut non possit hic iniri numerus. *Constat ubivis ferè terrarum, inquit loc. cit. Raynaudus, omnis generis agritudines hac una via esse persanatas. Febres, & quidem lethifera: pedum apostemata, rabidos dentium cruciatus, lethargicos sopores, medicinam, tormina iliaca, paralytes, aquam intercutem, epilepsiam, elephantiasim, & venenatorum omnium præsentissimam pestem.*

His addenda veniunt miracula non rarò in sterilibus, ac parturientibus patrata. His enim in gravissimis cruciatibus, supremoq; vitæ periculo propitiùs adfuit, & mirificè adjuvit: illis verò, post longos in sterili conjugio exactos annos, sæcunditatem mirabiliter contulit, ac divinitus concessit.

Et quis, O DEUS bone! universa recenseat Parthenæ opis & vestis admiranda, & prodigia? E plurimis, de quibus adhuc disserendum foret, unum duntaxat paucis solum insinuabo. Mirificam scilicet vim ac virtutem ejus, non modo in expellendis ab obsessis corporibus malignis Spiritibus, & reprimendis, ac coercendis omnibus universim eorum infestationibus, & divexationibus, verum etiam in eorundem asseclarum & mancipiorum, magorum dico & sagarum diabolicis artibus, & veneficijs; ut hi & illi pluries, vel spontè, vel coactè confessi sunt.

Hi & hæ quidem, dum judicialiter examinarentur, & ad maleficorum suorum confessionem urgerentur, non semel, ut fide digni Authores referunt, pleno ore fassi sunt, se nunquam potuisse suis maleficis & veneficijs quidquam nocementi inferre Confratribus sacrum SCAPULARE gerentibus, quantumvis, ex infensissimo in DEIPARAM & ejus Confratres odio & rabie, sæpè numero id impensissimè conati sint

sint, licet interim alijs illo non instructis, absq; ullo obstaculo, iisdem suis artibus & beneficijs plurimum nocuerint.

Illi verò, Cacodæmones videlicet, pluries vel sacris Ecclesiæ exorcismis, coacti, vel virtute ejusdem sacerrimæ vestis, quam perferre nequibant, constricti, cum horrenda lamentatione, atque ejulatione publicè omnibus audientibus propalarunt, ac confessi sunt, plurima gravissimaq; damna, quæ ex debita, devotaq; sacri SCAPULARIS gestatione infernus percipit: utpote cujus beneficio animæ quàm plurimæ salvantur.

Refert quoque R. P. Joseph de Velasco, in vita Ven. FRANCISCI JEPEZ, huic homini DEI divinitus revelatum fuisse, quod inter tria, quæ Dæmones vel maximè oderunt, eosq; cruciat vehementer, unum sit, quod *sacrum SCAPVLARE SS. Virginis Mariæ de monte Carmelo passim feratur*

De his, & præfatis omnibus admirandis, & prodigijs prolixius, & singillatim disserui in *CARMELO THAYMATVRGO*, libro primo & secundo, ubi Authores quoque complures adduco, qui de his scripsere.

CONFIRMARI quoque hæc queunt illis, quæ Philibertus Fezayus S. Theolog. Doct. & ejusdem Facultatis Decanus, & Professor Regius in Universitate Borbonia Aquensi, tradit in opere inscripto, *Duplex privilegium sacri Scapularis &c. Privilegio 1. controversia 2. exponendo supra relata verba Augustissimæ Virginis: Ecce signum salutis, salus in periculis, fœdus pacis &c.* ubi hæc habet: *Dico illis verbis, Ecce signum salutis, significari gratiam sanitatum: & sequentibus, Salus in periculis, denotari propulsationem periculorum, quæ sunt duæ prærogativæ, quibus B. Virgo ditare voluit sui Ordinis SCAPVLARE, ut illi, qui cum ea hoc fœdere pacis, & pacti sempiterni conjuncti forent, à varijs morbis, periculisq; imprevisis protegerentur.*

Probatur PRIMO de gratia sanitatum, quia Scapulare; seu B. Virgo ad presentiam SCAPVLARIS, sepè numero rigores & ardores febrium, etiam mortalium fugavit: *Apostematum pædotes extirpavit & medicinam lancinantem retudit: dentium dolores lenivit: lethargia sopitos, quasi ex morte ad vitam revocavit: colicæ terebrationes in ventos resolvit: Paralyticos ambulare fecit: Hydropicos aqua intercute liberavit. Pestem, elephantiasin, epilepsiam, atq; id genus morbos sanavit. Deniq; Virgines fovet, castitatem conservat, sterilitatem propellit, & fecunditatem inducit.*

H h 2 Pro-

Dæmones contentur damna, quæ percipit infernus ex devota sacri Scapularis gestatione.

329.

Quænam ægri tudines divinitus medio sacro Scapulari curatae sunt?

330.

Incendia  
relinguit:  
à fulmine  
conservat.Gloriâ,  
pilarum &  
glandium  
vim & vi-  
res retun-  
dit,a mala  
morte præ-  
servat,

331.

a collisio-  
ne liberat,  
à suffoca-  
tione in  
aquis, &  
ab alijs  
præsentissi-  
mis peri-  
culis.

Probatur SECUNDO de periculis propulsatione universè: quia extinguit incendium: cum enim aliquoties domus conflagrarent, projecto in ignem SCAPVLARI benedicto, cessavit flamma, & SCAPVLARE inter medios carbones incombustum apparuit. Tribus pueris in uno lecto recumbentibus cecidit fulmen in cubiculum, duo extremi fuerunt tacti, medius, qui gestabat SCAPVLARE, mansit intactus. Simile quid contigit non à longo tempore quibusdam in territorio Aquensi viatoribus. Atq; ita, sive foris, sive intus B. Virginis MARIE de monte CARMELO Sodalitatis alumni sæpe reperti fuerunt præservati, quando alij in eodem hominum cœtu fulminis ictum senserunt. Gallorum sub rexillibus Christianissimi Regis in exteris Regionibus militantium, pleriq; SCAPVLARI, quasi tunica loricati abenea globulos catapultarum plumbeos in ipso conflictu ex adverso, pectore susceperunt, qui SCAPVLARE attingentes tenuiter lapsi sunt, & in eo solum sua vestigia reliquerunt. Pleriq; verò grandi ulcere vulnerati in corde, partim B. Virginis adiutorio, partim pio ergà sacrum SCAPVLARE affectu, satis temporis nacti sunt, ut susciperent tria Sacramenta morientibus ad salutem necessaria, antequam suas animas exhalarent.

Quam multi ex summis turribus lapsi sospites surrexerunt? Quam moliri ligatis manibus & pedibus in mare demersi, ad bonam temporis moram, videlicet quinque vel sex horarum, vel unus aut alterius diei, manserant aquis obruti, quos variis in locis varij piscando invenerunt vivos, & sacro SCAPVLARI munitos? Quam multi auvigarum incuria, aut equis, aut quadrigarum retis ex improvise interjectis aliquando illæsi evaserunt, aliquando peritorum iudicio desperatam sanitatem SCAPVLARIS privilegio obtinuerunt? Exempla hæc, sicut etiam alia innumera videntur &c. Hactenus Fezayus.

Non dissimilia tradunt exponendo præfata DEIPARÆ verba è nostris P. Emmanuel à JESU-MARIA in opere Romæ excuso, ac inscripto, *Fructus Carmeli*, Tom. 1. discursu 17. P. Philippus Maria à S. Paulo libro 3. suarum Concionum Romæ quoque edito, serm. 3. & 4. P. Philocalus Caputus, in varijs suis Opusculis, P. Gregorius Nazianzenus à S. Basilio in Adoptione parthenia, & iterum in Instructione familiari Confratrum &c. P. Daniel à Virg. MARIA in *Vinea Carmeli* Part. 5. Cap. 6. & ut alios transeam, P. Lezana in *Mariano suo Patronatu* Cap. 9.

Haud parum quoque suprascriptis omnibus confirmandis delere vire valent ea omnia, quæ supra laudatus Theophilus Raynaudus egregiè disserit, de Mariani Scapularis admirandis ac prodigijs Cap.



6. Part. I. Operis sæpius citati, ad quæ (brevitati consulens) Lectorem remitto. Sed intermittere nequeo, quin hic apponam totum Caput subsequens ejusdem libri, in quo postquam complura jam Partheniæ vestis beneficia, privilegia atque prærogativas recensuisset, tandem concludendo affirmat, probatque, *sacrum SCAPVLARE jugem esse scatebram spiritualium donorum, signum salutis æternæ, notam prædestinationis*; quod ipsum ego, hanc de privilegijs, beneficijsque Virginei SCAPULARIS Dissertationem terminando probare intendebam, sed malo id potius verbis ejusdem disertissimi, celeberrimique Authoris, quam proprijs, majoris fidei, autoritatisve conciliandæ gratia, asserere ac confirmare. Ipsum igitur hic disserentem audiamus.

## CAPUT II.

*Marianum SCAPVLARE jugis scatebra spiritualium donorum, signum salutis æternæ, nota prædestinationis.*

**R**OLATUS proximè est gustus operum supra naturam; circa sanitatem, vitam, & immunitatem à malis temporarijs collatam. Nunc attingenda obiter sunt spiritualia bona, præ quibus illa alia inferioris ordinis beneficia, vix aliquo sunt loco. Nam ut S. Augustinus pulchrè differit, qualecumque aurum, ac vel si sordens, & plurima excrementitia fuligine oblitum, præstantius est plumbo, quantumvis defæcato, & per purgato. Similiter ergo spiritualia bona ad animæ salutem spectantia, etiam si minuta & tenuia; cum spectent ad gradum superiorem, sunt inadæquabiliter præcellentiora quibusvis bonis temperarijs, quantumvis in suo genere pretiosis.

Pono porrò ut exploratum, totam SCAPULARIS effieacitatem ad bonorum spiritualium devocationem, ex eo prodire, quod sit tessera & pignus benevolentia, qua B. Virgo piè gestantes hujusmodi vestem complectitur. Hæc autem benevolentia, quantum spiritualium munerum sit ferax, S. Bernardus mellitissimè attigit; spectato honore, quem Filius Matri debet. Itaque quid non potest

H h h 3

apud

332.

In Psaim.  
145. ad V. 1  
Quantum differant bona spiritualia à temporarijs.

Sacrum Scapulare tessera est & pignus benevolentia Mariæ.